

宋

書

十二







宋書

志八卷



臣沈

約

新撰

禮五

秦滅禮學事多違古漢初崇簡不存改作車服之儀多因秦在聖明帝始乃修復先典司小彪輿服志詳之矣魏代唯作指南車其餘雖馬有改易不足相變晉立服制令辨定衆儀徐廣車服注略明事昔竝行於今者也故復敘列以通數代典事

宋書志八

一

五

上古聖人見轉蓬始爲輪軸何可載因爲輿任重致遠流運無極後代聖人觀北斗魁方杓曲攜龍角爲帝車由其輈以便駕系本云奚仲始作車案庖羲畫八卦而爲大輿服牛乘馬以利天下奚仲乃夏之車正安得始造乎系本之言非也車服以庸著在唐典夏建旌旗以表貴賤周有六職百工居其一焉一器而羣工致其巧車最居多明堂記曰鸞鳥車有虞氏之路也大路彫路也乘路周路也彫有山車之瑞謂桑根車



形人制爲大路禮緯曰山車垂句句曲也言不採  
治而自由也周之五路則有五金象革木五者  
之飾備於考工記輿方法地蓋自象天輻以象  
日月二十八弓以象列宿五金象者飾車諸末  
因爲名也革者漆革木者漆木也玉路建入常  
以祀金路建大旂以賓象路建大赤以朝革路  
建大白以戎木路建大麾以田黑也夏所尚也  
秦闕三代之車獨取殷制古曰桑根車秦曰金  
根車也漢氏因秦之舊亦爲乘輿所謂乘殷

一

二

三

之路考也禮論輿駕議曰周則玉輅最尊漢之  
金根亦周之玉路也漢制乘輿金根車輪皆朱斑  
重轂兩轄飛軫轂外復有轂施轄其外復設  
轄施銅貫其中東京賦曰重輪貳轄疏轂飛軫飛  
軫以赤油爲之廣八寸長注地轂系軸頭謂之飛軫也  
金金薄繆龍爲輿倚較較在箱上楨文畫華畫  
箱也文虎伏軾龍首銜軛鸞雀立衡馭文畫較翠  
羽蓋黃裏所謂黃屋也金華施楛求建太常十  
二旒畫日月外龍駕六黑馬施十二鸞爲金爲義



插以翟尾又加整尾牛尾大如斗置左馱臣輓上所  
謂左肅輿也正如周玉路之制唯勁漢六官鹵簿  
圖乘與大駕則御鳳皇車以金根為副又五色  
安車五色立車各五乘建龍旂駕四馬應死八鸞  
餘如金根之制猶周金路也其車各加方色所謂  
五時副車俗謂為五帝車也江左則闕矣白馬  
者朱其轡安車者坐乘又有建華蓋九重甘  
泉鹵簿者道車五乘游車九乘在乘輿車前  
又有象車最在前試橋道晉江左駕猶有之凡

婦人車皆坐乘故周禮王后有安車而士無也漢  
制乘輿乃有之天子所御駕六其餘副車皆駕  
四案書稱朽索御六馬逸禮王度記曰天子駕  
六諸侯駕五卿駕四大夫三士二庶人一楚平王  
駕白馬梁惠王以安車九馬三送溘下疏大夫之  
儀周禮四馬為乘毛詩天子至大夫同駕四士駕  
二素盜諫漢文馳六飛魏時天子亦駕六晉先  
釐儀皇后安車駕六以兩轅安者十駕五為副  
江左以來相承無六駕四而已宋孝大明三年



無聞後漢張衡始復創造漢未喪亂其器不存  
魏高堂隆奏謂皆博聞之士爭論於朝去無指  
南車記者虛說明帝青龍中令博士馬鈞更  
造之而車成晉亂復亡石虎使解飛姚興使令  
狐生入造焉安帝義熙十三年宋武帝平長安  
始得此車其制如鼓車設木人於車上舉手指  
南車雖曰轉所指不移大駕鹵簿最先啓行  
此事戎狄所制機數不精雖曰指南多不審正  
回曲止步驟猶須人功正之范陽人祖冲之有巧思  
大明中始制五路俱出親耕藉田乘二蓋車一名  
芝車又名耕根車置耒耜於載上戎車立乘  
夏曰鉤車殷曰寅車周曰元戎建牙麾邪注之  
載金鼓羽幢置甲弩於載上

帝改曰躡虎車

獵車輞輪畫線龍繞之一名躡猪車魏文  
帝南車其始周公所作以送荒外遠使地域平  
漫迷於東西定立此車使常知南北鬼谷子云鄭  
人取玉必載司玉其不或也至于秦漢其制



無聞後漢張衡始復創造漢末喪亂其器以存  
魏高堂隆奏謂皆博聞之士爭論於朝女無指  
南車記者虛說明帝青龍中令博士馬鈞更  
造之而車成晉亂復亡石虎使解飛姚興使令  
狐生又造焉安帝義熙十三年木武帝平長安  
始得此車其制如鼓車設木人於車上舉手指  
南車雖曰轉所指不移大駕鹵簿最先啓行  
此事戎狄所制機數不精雖曰指南多不審正  
回曲共驟猶須人功正之范陽人祖沖之有巧思  
常謂宜更構造宋順帝身明末齊王爲相卒  
造之焉車成使撫軍丹陽尹王僧虔御史中丞劉  
休試之其制甚精百屈千回末常移變晉代又  
有指南舟索虜拓跋壽使工人郭崇明造指  
南車彌年不就扶風人馬岳又造垂成善明醜  
殺之

記軍車未詳所由來亦高祖定三秦所獲制如  
指南其上有鼓車行一里木人輒擊一槌大駕  
鹵簿以次指南



輦車周禮王后五路之卑者也后宮中從容所  
乘非王車也漢制乘輿御之或使人輓或駕果  
下馬漢成帝欲與班婕妤同輦是也後漢陰就  
外戚驕貴亦輦井丹譏之曰昔桀乘人車豈此  
邪然則輦夏后氏末代所造也井丹譏陰就乘  
人而不云輦豈貴臣亦得乘之乎未知何代去  
其輪傳玄子曰夏曰余車殷曰胡奴周曰輜車  
輜車即輦也魏晉御小出常乘馬亦多乘輿  
車輿車今之小輿

犢車輶車之流也漢諸侯貧者乃乘之其後  
轉見貴孫權女車中八牛即犢車也江左御出  
又載儲備之物漢代賤輶車而貴輜輶輶晉賤  
輜輶而貴輶車又有追鋒車去小車其加通幔  
如輶車而加馬又以雲母飾犢車謂之雲母車  
臣下不得乘時以賜王公晉氏又有四望車今制  
亦存又漢制唯賈人不得乘馬車其餘皆乘之  
矣際吏亦蓋杠餘則青蓋杠云

周禮王后亦有五路重翟厭翟安車翟車輦



車凡五也漢制太皇太后皇太后皇后法駕乘  
重翟羽蓋金根車駕青交路青帷裳纁畫轅黃  
金塗五末蓋爪施金華駕三馬左右駢其法駕  
則紫罽駟車按字林駟車有衣蔽無後轆其有  
後轆者謂之輜應劭漢官明帝永平七年光烈  
陰皇后葬魂車鸞路青羽蓋駕駟馬旂九塗前  
有方相鳳皇車大將軍妻參乘太僕妻御女騎  
夾轂此  
前漢舊制也

晉元璽儀注皇后乘油畫雲母安車駕六騾馬  
騾淺黑色也油畫兩轆安車駕五騾馬為副公  
主油畫安車駕三三夫人青交路安車駕三皆  
以紫絳罽駟車駕三為副九嬪次婦駟車駕二  
宮人輜車駕一王妃公侯特進夫人封君皂交  
路安車駕三

漢制貴人公主王妃封君油駟皆駕二右駢而  
已漢制太子皇子皆安車朱斑輪倚虎較伏鹿  
軾黑纁文畫轅青蓋金華施僚末黑纁文畫轆  
金塗五末皇子為王錫以此乘故曰王青蓋車



皆左右駢駕五旂旂九塗畫降龍皇孫乘綠車亦駕三魏晉之制太子及諸王皆駕四

晉元帝大興三年太子釋奠詔曰未有高車可乘安車高車即立乘車也公及列侯安車朱斑輪倚鹿較伏熊軾黑蕃者謂之軒皂繒蓋駕二右駢王公旂八塗侯七塗卿五塗皆降龍公卿中二千石二千石郊陵法駕出皆大車立乘駕四後導從大車駕二右駢也出乘安車其去位致仕皆賜安車四馬中二千石皆皂蓋朱蕃銅五末駕二右駢晉令王公之太子攝命治國者安車駕三旂七塗其侯太子五塗

傳賜故事三公安車駕三特進駕二卿一漢制公列侯中二千石二千石夫人會廟及蠶各乘其夫之安車右駢加皂交路帷裳非公會則乘漆布輜輶銅五末晉武帝太康四年詔依漢故事給九卿朝車駕及安車各一乘傳賜故事尚書令輅車黑耳後戶僕射但後戶無耳中書監令如僕射



漢制乘輿御大駕公卿奉引大僕大將軍參乘  
備千乘萬騎屬車八十一乘古者諸侯貳車  
九乘秦滅九國兼其車服故八十一乘也漢遵  
弗改漢都長安時祠天於甘泉用之都洛陽上  
原陵又用之大喪又用之法駕則河南尹洛陽令  
奉引奉車郎御侍中參乘屬車三十六乘凡  
屬車皆皂蓋赤裏後漢祠天郊用法駕祠  
宗廟用小駕小駕減損副車也前驅有九游雲  
罕皮軒轅鸞旗車皆大夫載之旗者編羽旄列  
繫幢傍也金鉦黃鉞黃門鼓車乘輿之後有  
屬車尚書御史載之最後一車懸豹尾豹尾  
以前比於省中每出警蹕清道建五旗大僕奉  
駕條上鹵簿尚書郎侍御史令史皆執注以督  
整車騎所謂護駕也春秋上陵尤省於小駕直  
事尚書一人從其餘令史以下皆從行所謂先  
置也薛綜東京賦注以雲罕九游爲旌旗別名  
亦不辨其形案魏命晉王建天子旌旗置旄頭  
雲罕是知雲罕非旌旗也徐廣車服注以爲九



游游車九乘雲罕疑是畢罕詩敘曰齊侯田  
獵畢弋百姓苦之畢罕本施遊獵遂為行飾  
乎潘岳藉田賦先敘五路九旗次言瓊釵雲罕若  
罕為旗則岳不應頻句於九旗之下又以其物  
匹釵戟宜是今畢網明矣此說為得之皮軒以虎  
皮為軒也徐又引淮南子軍正執豹皮以制正其  
衆禮記前有士師則載虎皮乘輿豹尾亦其義  
類乎五旗者五色各一旗以木牛承其下徐又云  
木牛蓋取其負重而安穩也五旗纏竿即禮記  
德車結旌不盡飾也戎事乃散之又武車綏旌  
垂舒之也史臣案今結旌綏旌同而德車武車之  
所不建又木牛之義亦未灼然可曉又案周禮  
辨載法物莫不詳究然無相風畢網旄頭之屬  
此非古制明矣何承天謂戰國並爭師旅數出懸  
烏之設務察風稜宜是秦矣晉武嘗問侍臣  
旄頭何義彭推對曰秦國有竒怪觸山截水  
無不崩潰唯畏旄頭故虎士服之則秦制也張  
華曰有口不言而事不經臣謂壯士之怒踐踊衝



冠義取於此摯虞決疑無所是非也徐爰曰  
彭張之說各言音意義無所承據案天文畢  
昴之中謂之天街故車駕以畢罕前引畢方  
昂負因其象星經昴一名旄頭故使執之者  
冠皮毛之冠也

輕車古之戰車也輪輿洞朱不巾不蓋建矛戟  
幢麾置且弩於軾上駕二射聲校尉司馬史士  
載以次屬車

漢儀日出稱敬言入稱蹕說者云車駕出則應稱  
敬言入則應稱蹕也而今俱唱之史臣以為敬言者敬言  
戒也蹕者止行也今從乘輿而出者並敬言戒以  
備非常也從外而入乘輿相干者蹕而止之也董  
巴司馬彪云諸侯王遮迺出入稱敬言設蹕

武剛車有巾有蓋在前為先驅又在輕車之後  
為殿也駕一史記衛青征匈奴以武剛車為營  
是也

漢制大行載輶輅車四輪其飾如金根加施組  
連壁交路四角金龍首銜壁垂五采析羽流蘇



前後雲氣畫帷裳楨文畫曲蕃長與車等太  
僕御駕六白駱馬以黑藥灼其身爲虎又謂之  
布施馬旣下馬斤賣車藏城北祕宮今則馬不  
虎文不斤賣車則毀也自漢霍光晉安平齊  
王賈充王導謝安宋江夏王葬并以殊禮者皆  
大輅黃屋載輜輶車

晉令曰乘傳出使遭喪以上即自表聞聽得白  
服乘騾車到副使攝事徐廣車服注傳聞騾  
車者犢車裝而馬車轅也又車無蓋者曰科車  
晉武帝時護軍將軍羊琇乘羊車司隸校尉  
劉毅奏彈之詔曰羊車雖無制猶非素者所  
服江左來無禁也

舊曰有充庭之制臨軒大會陳乘輿車輦旌鼓  
於殿庭張衡東京賦云龍路充庭鸞旌拂霓  
晉江左廢絕宋孝武大明中修復

上古寢處皮毛未有制度後代聖人見鳥獸毛  
羽及其文章草與草木華采之色因染絲綵以作  
衣裳爲之黃之服以法乾坤上下之儀觀鳥獸



冠胡之形制冠冕纓綦之飾虞氏作績米章彌  
文夏后崇約猶美黻冕咎繇陳謩則稱五服  
五章皆後王所不得異也周監二代典制詳密故  
弁師掌六冕司服掌六服設擬等差各有其序  
禮記冠義曰冠者禮之始事之重者也太古布  
冠齊則緇之夏曰毋追殷曰章甫周曰委貌此  
皆三代常所 周之祭冕纓采備飾故夫子  
曰服周之冕以盡美稱之至秦以戰國即天子  
位滅去古制郊祭之服皆以約玄至漢明帝始採  
周官禮記尚書諸儒說還備衮冕之服魏明  
帝以公卿衮衣黼黻之文擬於至尊復損略之  
晉以來無改更也天子禮郊廟則黑介幘平冕  
今所謂平 冠也皂表朱綠裏廣七寸長尺二  
寸垂珠十二旒以組為纓衣皂上絳下前三幅  
後四幅衣畫而裳繡為日月星辰山龍華蟲藻  
火粉米黼黻之象凡十二章也素帶廣四寸朱  
裏以朱綠裨飾其側中衣以絳綠其領袖赤皮  
蔽膝蔽膝古之韍也絳袴絳襪赤舄未元服



者空頂介幘其釋奠先聖則皂紗裙絳衣  
絳袴袜黑舄其臨軒亦衮冕也其朝服通去  
冠高九寸金博山頰黑介幘絳紗裙皂緣中衣  
其拜陵黑介幘芟單衣其雜服有青赤黃  
緋黑色介幘五色紗裙五梁進賢冠遠遊冠乎  
上幘武冠其素服白帙單衣漢儀立秋日獵服  
緋幘晉哀帝初博士曹弘之等議立秋御讀  
令不應緋幘求改用素詔從之宋文帝元嘉六年  
奉朝請徐道娛表不應素幘詔門下詳詳  
常執宜如舊遂不改

進賢冠前高七寸後高三寸長八寸梁數隨貴  
賤古之緇布冠也文儒者之所服三公卿初祭於  
郊廟皆平冕王公八旒卿七旒以組為纓色如  
其綬王公衣山龍以下九章也卿衣華蟲以下七  
章也行鄉射禮則公卿委貌冠以皂絹為之形  
如覆杯與皮弁同制長七寸高四寸衣黑而裳素  
其中衣以皂緣領袖其執事之人皮弁以鹿皮  
為之



武元比皆惠文冠本趙服也一名大冠凡侍臣則加貂蟬應劭漢官曰說者以金取堅剛百鍊不耗蟬居高向食絜目在腋下貂內勁悍而外溫潤此因物生義非其實也其實趙武靈王變胡而秦滅趙以其君冠賜侍臣故秦漢以來侍臣有貂蟬也徐廣車服注稱其意曰北土寒涼本以貂皮暎額附施於冠因遂變成首飾乎侍中左貂常侍右貂

法冠本楚服也一名柱後一名獬豸說者云獬豸獸知曲直以角觸不正者也秦滅楚以其君冠賜法官

謁者高山冠本齊服也一名側注冠秦滅齊以其君冠賜謁者魏明帝以其形似通天遠遊乃毀變之

樊噲冠廣九寸制似平冕殿門衛士服之漢將樊噲嘗常持鐵盾鴻門之會項羽欲害漢王乃裂裳以苞盾戴入見羽漢承秦制冠有十三種魏晉以來不盡施用今志其施用者也



幘者古賤人不冠者之服也漢元帝額有壯髮始引幘服之王莽頂禿又加其屋也漢注曰冠進賢者宜長耳今介幘也冠惠文者宜短耳今平巾幘也知時各隨所宜後遂因冠爲別介幘服又交平上服武官也童子幘無屋者示未成人也又有納言幘後收又一重方二寸又有赤幘騎吏武吏乘輿鼓吹所服救日蝕文武官皆免冠著赤幘對朝服示威武也宋乘輿鼓吹黑幘武冠

漢制祀事五郊天子與執事所服各如方色百官不執事者自服常服以從常服絳衣也

魏祕書監秦靜曰漢以承秦改六冕之制俱立冠絳衣而已晉名曰五時朝服有四時朝服又有朝服

凡兵事物惣謂之戎尚書云一戎衣而天下定周禮革路以即戎又曰兵事韋弁服以韎韞爲弁又以爲衣裳春秋左傳戎服將爭又云晉卻至衣韎韞之跗注先儒云韎絳色今時伍伯衣說者



去五霸朝兵戰猶有綬紱冠纓漫胡則戎服非袴  
褶之制未詳所起近代車駕親戎中外戒嚴之  
服無定色冠黑帽綴紫標標以繒爲之長四寸  
廣一寸腰有絡帶以代般革革中官紫標外官  
絳標又有箕屨嚴戎服而六綴標行留文武悉  
同其畋獵巡幸則唯從官戎服帶般革革文官  
不下纓武官脫冠宋文帝元嘉中巡幸蒐狩  
皆如之救宮廟水火亦如之

漢制太后入廟祭神服紺上皂下親蠶青上縹  
下皆深衣深衣即單衣也首飾剪髮尾幘

漢制皇后謁廟服紺上皂下親蠶青上縹下  
首飾假髻步搖八雀九華加以翡翠晉先蠶  
儀注皇后十二鎮步搖大手髻衣純皂之衣帶  
綬佩今皇后謁廟服桂襦大衣謂之禕衣公主  
三夫人大手髻七鎮蔽髻九嬪及公夫人五鎮世婦  
三鎮公主會見大手髻其長主得有步搖公  
主封君以上皆帶綬以采爲緹帶各如其綬色  
公特進列侯夫人卿校世婦二千石命婦年長者



紺繒佐祭則皂綃上下助蠶則青綃上下自皇后至二千石命婦皆以蠶衣爲朝服

劉向曰古者天子至于士王后至于命婦必佩玉尊卑各有其制禮記曰天子佩白玉而玄組綬公侯山玄玉而朱組綬卿大夫水蒼玉而緇組綬士佩璫玟而緼組綬緼赤黃色綬者所貫佩相承受也上下施韍如蔽鞞貴賤亦各有殊五霸之後戰兵不息佩非兵器韍非戰儀於是解去佩韍留其繫綖而已秦乃以采組連結於綖轉相結受謂之綬漢承用之至明帝始復制佩而漢末又亡絕魏侍中王粲識其形乃復造焉今之佩粲所制也皇后至命婦所佩古制不存今與外同制秦組綬仍又施之

漢制自天子至于百官無不佩刀司馬彪志具有其制漢高祖爲泗水亭長拔劍斬白蛇雋不疑云劍者君子武備張衡東京賦紆黃組腰于將然則自人君至士人又帶劍也自晉代以來始以木劍伐刃劍



乘輿六璽秦制也漢舊儀曰皇帝行璽皇  
帝之璽皇帝信璽天子行璽天子之璽天  
子信璽此則漢遵秦也初高祖入關得秦始  
皇藍田玉璽螭虎紐文曰受天之命白皇帝壽  
昌高祖佩之後代名曰傳國璽與斬白蛇劍俱  
為乘輿所寶傳國璽魏晉至今不廢斬白蛇  
劍晉惠帝武庫火燒之今亡晉懷帝沒胡傳  
國璽沒於劉聰後又屬石勒及石勒弟石虎死胡  
亂晉穆帝代乃還天府虞喜志林曰傳國璽  
自在六璽之外天子凡七璽也漢注曰璽印也自  
秦以前臣下皆以金玉為印龍虎紐唯所好秦  
以來以璽為稱又獨以玉臣下莫得用漢制皇  
帝黃赤綬四采黃赤縹紺皇后金璽綬亦如  
之於禮士綬之色如此後代變古也吳無刻玉工  
以金為璽孫皓造金璽六枚是也又有麟鳳  
龜龍璽駝馬鴨頭雜印今代則闕也

皇太子金璽龜紐縹朱綬四采赤黃縹紺給五  
時朝服遠遊冠亦有二梁進賢冠佩瑜玉



諸王金璽龜紐纁朱綬四采赤黃纁紺給五時  
朝服遠遊冠亦有二梁進賢冠佩山玄玉  
郡公金章玄朱綬給五時朝服進賢三梁冠  
佩山玄玉太宰太傅太保丞相司徒司空金章  
紫綬給五時朝服進賢三梁冠佩山玄玉相國  
則綠綬綬三采綠紫紺纁草名也其色綠大司  
馬大將軍太尉凡將軍位從公者金章紫綬  
給五時朝服武冠佩山玄玉郡侯金章青朱  
綬給五時朝服進賢二梁冠佩水蒼玉

驃騎車騎將軍凡諸將軍加六者征鎮安平  
中軍鎮軍撫軍前左右後將軍征虜冠軍  
輔國龍驤將軍金章紫綬給五時朝服武  
冠水蒼玉

貴嬪夫人貴人金章文曰貴嬪夫人貴人之  
章紫綬佩于它具玉

淑妃淑媛淑儀脩華脩容脩儀婕妤好容華充  
華銀印文曰淑妃淑媛淑儀修華修容修儀婕妤好  
容華充華之印青綬佩五采瓊玉



皇太子妃金璽龜紐纁朱綬佩瑜玉

諸王太妃諸長公主公主封君金印紫綬佩山文玉  
諸王太子金印紫綬五時朝服進賢兩梁冠佩  
山文玉

郡公侯太夫人銀印青綬佩水蒼玉

郡公侯太子銀印青綬給五時朝服進賢兩梁  
冠佩水蒼玉

侍中散騎常侍及中常侍給五時朝服武冠  
貂蟬侍中左右常侍皆佩水蒼玉

尚書令僕射銅印墨綬給五時朝服納言幘進  
賢兩梁冠佩水蒼玉

尚書給五時朝服納言幘進賢兩梁冠佩水  
蒼玉

中書監令祕書監銅印黑綬綬給五時朝服進  
賢兩梁冠佩水蒼玉

光祿大夫卿尹太子保傅太長秋太子詹事銀章  
青綬給五時朝服進賢兩梁冠佩水蒼玉

衛尉則武冠衛尉江左不置宋孝武孝建初



始置不檢晉服制止以九卿皆文冠及進賢兩  
梁冠非舊也

司隸校尉武尉左右衛中堅中壘驍騎游  
擊前軍左軍右軍後軍寧朔建威振威  
奮威揚威廣威建武振武奮武揚武廣  
武左右積弩彊弩諸將軍監軍銀章青  
綬給五時朝服武冠佩水蒼玉

領軍護軍城門五營校尉南東西北中  
郎將銀印青綬給五時朝服武冠佩水  
蒼玉

縣鄉亭侯金印紫綬朝服進賢三  
梁冠

鷹揚折衝輕車揚烈威遠寧遠虎威材  
官伏波凌江諸將軍銀章青綬給五時朝  
服武冠

奮武護軍安夷撫軍護軍軍州郡國都  
尉奉車駙馬騎都尉諸護軍將兵助郡都  
尉水衡典虞牧官典牧都尉度支中郎將校



尉都尉司監都尉材官校尉王國中尉宣和  
伊吾都尉監淮南津都尉銀印青綬五時朝  
服武冠

州刺史銅印墨綬給絳朝服進賢兩梁冠  
御史中丞都水使者銅印墨綬給五時朝服進  
賢兩梁冠佩水蒼玉

謁者僕射銅印墨綬給四時朝服高山冠佩  
蒼玉

諸軍司馬銀章青綬朝服武冠

給事中黃門侍郎散騎侍郎太子中庶子庶  
子給五時朝服武冠

中書侍郎給五時朝服進賢一梁冠

允從僕射太子衛率銅印墨綬給五時朝服  
武冠

虎賁中郎將羽林監銅印墨綬給四時朝服  
武冠其在陛列及備鹵簿鷓尾絳紗縠單  
衣鷓鳥似雞出上黨黑為鳥彊猛鬪不死不止  
復著鷓尾



北軍中候殿中監銅印墨綬給齒時朝服武冠  
護匈奴中郎將護羌夷戎蠻越烏丸西域戊巳  
校尉銅印青綬朝服武冠

郡國太守相內史銀章青綬朝服進賢兩梁冠  
江左止單衣幘其加中二千石者依卿尹

牙門將銀章青綬朝服武冠

騎都督守銀印青綬朝服武冠

尚書左右丞祕書丞銅印黃綬朝服進賢一

梁冠

尚書祕書郎太子中舍人洗馬舍人朝服進

賢一梁冠

黃沙治書侍御史銀印墨綬朝服法冠

侍御史朝服法冠

關內關中名號侯金印紫綬朝服進賢兩梁冠  
諸博士給皂朝服進賢兩梁冠佩水蒼玉

公府長史諸卿尹丞諸縣署令秩千石者銅印  
墨綬朝服進賢兩梁冠江左公府長史無朝服  
縣令止單衣幘宋後廢帝元徽四年司徒右



長史王儉議公府長史應服朝服曰春秋國語云兒者情之華服者心之文巖廊盛禮衣冠爲大是故軍國異容內外殊序而自頃承用每有乖違府職掌人教四方是則臣居毗佐志在當官永言先典載懷夕惕按晉令公府長史官品第六銅印墨綬朝服進賢兩梁冠掾屬官品第七朝服進賢一梁官晉官表注亦與令同而今長史掾屬但著朱服而已此則公違明文積習成謬謂宜依舊制長史兩梁冠掾屬一梁冠並同備朝服中單韋舄率由舊章若所上蒙允并請班司徒二府及諸儀同三府通爲永準又尋舊事司徒公府領步兵者職僚悉同降朝不領兵者主簿祭酒中單韋舄並備令史以下唯著玄衣今府旣開公謹遵此制其或有署臺位者玄服爲疑按令稱諸有兼官皆從重官之例尋內官爲重其署臺位者悉宜著位之服不在玄服之例若署諸卿寺位兼府職者雖三品而卿



寺爲卑則宜依公府玄衣之制服章事重禮  
義所先請臺詳服議曹郎中沈侯之議曰制  
珪象德損替因時裁服象功施用隨代車旗  
變於商周冠佩革於秦漢豈必殊代襲容改  
尚公物哉夫邊貂假幸侍之首賤憤登尊極  
之顏一適時用便隆後制況朱裳以朝緬傾  
百祀韋寫不加浩然惟舊服爲定章事成永  
則其儉之所秉會非古訓青素相因代有損  
益何事棄盛宋之興法追往晉之積典變改  
空煩謂不宜革儉又上議曰自頃服章多闕  
有違前準近議依令文被報不宜改革又稱  
左丞劉議按令文凡有朝服今多闕亡然則  
文存服損非唯鉉佐用捨旣久卽爲舊章如  
下旨伏尋皇宋受終每因晉舊制律令條章  
同規在替若事有宜必合懲改則當上關詔  
書下由朝議縣諸日月垂則後昆豈得因外  
府之乖謬以爲盛宋之興典用晉氏之律令而  
謂其儀爲積法哉順違從失非所望於高議申明



舊典何改革之可論又左丞引令史之闕服以爲鉉佐之明比夫各位不同禮數異等令史從省或有權宜達官簡略爲失彌重又主簿祭酒備服於王庭長史掾屬朱衣以就列於是倫比自成矛盾此而可忍孰不可安將引令以遵舊臺據失以爲例研詳符旨良所未譬當官而行何彊之有制令昭然守以無貳侯之又議雲火從物必損異儀帝樂五殊王禮三變豈獨大宋造命必咸仍於晉舊哉夫宗社疑文庭廟闕典或上降制書下協朝議何乃鉉府佐屬裳黻稍改白虎之詔斷宣室之疇咨乎又許令史之從省咎達官之簡略律苟可遵固無辨於貴賤規若必等亦何關於權宜一用一舍彌增其滯且佐非韋舄之職吏本朝服之官凡在班列罔不如一此蓋前令違而遂改今制允而長用也爵異服殊寧會矛盾之譬言討論疑制焉取彊弱之辨府執旣革之餘文臺據永行之成典良有期於無



固非所望於行迷叅詳並同儉議遂寢

諸軍長史諸卿尹丞獄丞太子保傅詹事丞  
郡國太守相內史丞長史諸縣署令長相關谷  
長王公侯諸署令長司理治書公主家僕銅印  
墨綬朝服進賢一梁冠江左太子保傅卿尹詹  
事丞早朝服郡丞縣令長止單衣幘

公車司馬太史大醫太官御府內省令太子諸  
署令僕門大夫陵令銅印墨綬朝服進賢一梁冠  
太子率更家令僕銅印墨綬給五時朝服進賢  
兩梁冠

黃門諸署令僕長銅印墨綬四時朝服進賢一  
梁冠

黃門冗從僕射監太子寺人監銅印墨綬給四  
時朝服武冠

公府司馬諸軍城門五營校尉司馬護匈奴中  
郎將護羌戎夷蠻越烏丸戊巳校尉長史司  
馬銅印墨綬朝服武冠江左公府司馬無朝服  
餘止單衣幘



廷尉正監平銅印墨綬給阜零辟朝服法冠  
王郡公侯郎中令大農銅印青綬朝服進賢  
兩梁冠

北軍中候丞銅印黃綬朝服進賢一梁冠  
太子常從虎賁督督校督司馬虎賁督銅印  
墨綬朝服武冠

殿中將軍銀章青綬四時朝服武冠宋末不  
復給章綬水衡典虞牧官典牧材官州郡國  
都尉司馬銅印墨綬朝服武冠

諸謁者朝服高山冠

門下中書通事舍人令史門下主事令史給  
四時朝服武冠

尚書典事都水使者參事散騎集書中書尚  
書令史門下散騎中書尚書令史錄尚書中  
書監令僕省事史祕書著作治書主書主璽  
主譜令史蘭臺殿中蘭臺謁者都水使者令  
史書令史朝服進賢一梁冠江左凡令史無  
朝服



節騎郎朝服武冠其在陛列及備鹵簿著鵠尾絳紗縠單衣

殿中中郎將校尉都尉黃門中郎將校尉殿中太醫校尉都尉銀印青綬四時朝服武冠關外侯銀印青綬朝服進賢兩梁冠

左右都侯閭闔司馬城門侯銅印墨綬朝服武冠

王郡公侯中尉銅印墨綬朝服武冠

部曲督護司馬史部曲將銅印朝服武冠司馬史假墨綬

太中中散諫議大夫議郎郎中舍人朝服進賢二梁冠秩千石者兩梁

城門令史朝服武冠江左凡令史無朝服

諸門僕射佐史東宮門吏阜零辟朝服僕射東宮門吏卻非冠佐史進賢冠

宮內游徼亭長阜零辟朝服武冠

太醫校尉都尉總章協律中郎將校尉都尉銀印青綬朝服武冠



小黃門給四時朝服武冠

黃門謁者給四時朝服進賢一梁冠朝賀通謁時箸高山冠

黃門諸署史給四時朝服武冠

中黃門黃門諸署從官寺人給四時科單衣武冠

殿中司馬及守陵者殿中太醫司馬銅印墨綬給四時朝服武冠

太醫司馬銅印朝服武冠

總章監鼓吹監司律司馬銅印墨綬朝服鼓吹監總章協律司馬武冠總章監司律司馬進賢一梁冠

諸縣署丞太子諸署丞王公侯諸署及公主家丞銅印黃綬朝服進賢一梁冠  
太醫丞銅印朝服進賢一梁冠

黃門諸署丞銅印黃綬給四時朝服進賢一梁冠  
黃門稱長園監銅印黃綬給四時朝服武冠  
諸縣尉關谷塞護道尉銅印黃綬朝服武冠江



左止單衣頓

洛陽卿有秩十銅印青綬朝服進賢一梁冠  
宣威將軍以下至裨將軍銅印朝服武冠其以  
此官爲刺史郡守若萬人司馬虎賁督以上及  
司馬史者皆假青綬

平虜武猛中郎將尉都尉銀印朝服武冠其以  
此官爲千人司馬虎賁督以上及司馬史者皆  
假青綬

別部司馬軍假司馬銀印朝服武冠

圖像都匠行水中郎將校尉都尉銀印青綬朝  
服武冠若非以工伎巧能特加此官者羽林長  
郎佩武猛都尉以上印者假青綬別部司馬以  
下假墨綬朝服武冠其長郎壯士武弁冠在陛  
列及鹵簿服絳縠單衣

陛下甲僕射主事吏將騎廷上五牛旗假使虎  
賁在陛列及備鹵簿服錦文衣武冠鷩尾陛長  
假銅印墨綬旋頭

羽林在陛列及備鹵簿服絳科單衣上箸韋畫



要襦假旄頭

舉輦跡禽前驅田基彊弩司馬守陵虎賁佩武  
猛都尉以上印者假青綬別部司馬以下假墨  
綬守陵虎賁給絳科單衣武冠

殿中穴從虎賁殿中虎賁及守陵者持釵戟穴  
從虎賁佩武猛都尉以下印者假青綬別部司  
馬以下假墨綬絳科單衣武冠

持椎斧武騎虎賁五騎傳詔虎賁殿中羽林及  
守陵者太官尚食虎賁稱飯宰人諸宮尚食虎  
賁佩武猛都尉以上印者假青綬別部司馬以  
下假墨綬給絳襦武冠其在陛列及備鹵簿  
五騎虎賁服錦文衣鷓尾宰人服離支衣

黃門鼓吹及釘官僕射黃門鼓吹史主事諸  
官鼓吹尚書廊下都坐門下守閣殿中威儀  
騶虎賁常直殿黃雲龍門者門下左右部虎  
賁羽林騶給傳事者諸導騶門下中書守閣  
給絳襦武冠南書門下虎賁羽林騶蘭臺五  
曹節藏射廊下守閣威儀發符騶都水使者黃



沙廊下守閣謁者錄事威儀駟河隄謁者  
駟諸官謁者駟絳襜武冠給其衣服自如故事  
大誰士皂科單衣樊噲冠衛士墨布襜却  
敵冠凡此前衆職江左多不備又多闕朝服  
諸應給朝服佩玉而不在京都者朝服非護  
烏丸羌夷戎蠻諸校尉以上及刺史西域戎已  
校尉皆不給佩玉其來朝會權時假給會罷  
輸還凡應朝服者而官不給聽自具之諸假  
印綬而官不給般革囊者得自具作其但假  
印不假綬者不得佩綬

般革古制也漢代著般革囊者側在腰間或  
謂之傍囊或謂之綬囊然則以此囊盛綬也  
或盛或散各有其時乎

朝服一具冠幘各一絳緋袍皂緣中單衣領  
袖各一領革帶給袴各一舄袜各一量簪導  
餉自副四時朝服者加絳綃黃緋青緋皂緋  
袍單衣各一領五時朝服者加給白綃袍單衣  
一領



諸受朝服單衣七丈二尺科單衣及襦五丈  
二尺中衣絹五丈緣阜一丈八尺領袖練一  
匹一尺絹七尺五寸給袴練一丈四尺縑二  
丈祿布三尺單衣及襦袷帶縑各一段長七  
尺江左止給絹各有差宋元嘉末斷不復袷  
至今山鹿狗柱狗白狗施毛狐白領黃豹斑  
白鼯子渠搜裘步搖八鑲蔽結多服幘明中  
櫂白又諸織成衣帽錦帳純金銀器雲母從  
廣一寸以上物者皆爲禁物

諸在官品令第二品以上其非禁物皆得服  
之第三品以下加不得服三鑲以上蔽結爵  
又假真珠翡翠校飾纓佩雜采衣栝文綺齊  
繡黼黻離袿袍第六品以下加不得服金鑲  
綾錦錦繡七緣綺貂裘金又鑲鉞及以金  
校飾器物張絳帳第八品以下加不得服羅  
紉綺縠雜色真文騎士卒百工人加不得服  
大絳紫襪假結真珠璫珥犀瑋越疊以銀  
飾器物張帳乘犢車履色無過綠青白奴婢



衣食客加不得服白幘蒨絳金苦銀又鑲鈴  
鍤鉚履色無過純青諸去官及燕死卒不祿物  
故家人所服皆得從故官之例諸王皆不得  
私作禁物及罽碧校鞞珠玉金銀錯刻鏤彫  
飾無用之物

天子坐漆牀居朱屋史臣按左傳丹栢宮之  
楹何休注公羊亦有朱屋以居所從來久矣  
漆牀亦當是漢代舊儀而漢儀不載尋所以  
必朱必漆者其理有可言焉夫珍木嘉樹其  
品非一莫不植根深岨致之未易藉地廣之  
資因人多之力則役苦費深爲敞滋重是以  
上古聖王采椽不斷斷之則懼刻楠彫楹莫  
知其限也哲人懸鑑微遠杜漸防萌知采椽  
不愜後代之心不斷不爲將來之用故加朱  
施漆以傳厥後散木凡材皆可入用遠探幽  
旨將在斯乎

殿屋之爲員淵方井兼植荷華者以厭火祥也  
古者貴賤皆執笏其有事則搢之於腰帶所



謂搢紳之士者搢笏而垂紳帶也紳垂三尺  
笏者有事則書之故常簪筆今之白筆是  
其遺象三臺五省二品文官簪之王公侯伯  
子男卿丑及武官不簪加內侍位者乃簪之手  
板則古笏矣尚書令僕射尚書手板頭復有  
白筆以紫皮裹之名笏朝服肩上有紫生袷  
囊綴之朝服外俗呼曰紫荷或云漢代以盛奏  
事負荷以行未詳也

魏文帝黃初三年詔賜漢太尉楊彪几杖待  
以客禮延請之日使挾杖入朝又令著鹿皮冠  
彪辭讓不聽乃使服布單衣皮弁以見傅玄  
子曰漢末王公名士多委女王服以幅巾爲雅是  
以袁紹崔鈞之徒雖爲將帥皆著幘巾

魏武以天下凶荒資財之匱擬古皮弁裁縑  
帛以爲幘合乎簡易隨時之義以色別其  
貴賤本施軍飾非爲國容也徐爰曰俗說  
幘本未有歧荀文若巾之行觸樹枝成歧謂  
之爲善古因而弗改通以爲慶弔服巾以葛爲



之形如帙而橫著之古尊卑共服也故漢末妖賊以黃為巾時謂之黃巾賊今國子太學生冠之服單衣以為朝服執一卷經以代手板居士野人皆服巾焉

徐爰曰帽名猶冠也義取於蒙覆其首其本纚也古者有冠無幘冠下有纚以繒為之後世施幘於冠因裁纚為帽自乘輿宴居下至庶人無爵者皆服之史臣案晉成帝咸和九年制聽尚書八座丞郎門下三省侍郎乘車白帽低幘出入掖門又二宮直官著烏紗帙然則士人宴居皆著帽矣而江左時野人已著帽士人亦往往而然但其頂負耳後乃高其屋云

古者人君有朝服有祭服有宴服有吊服吊服皮弁疑裘今以單衣黑幘為宴會服拜陵亦如之以單衣袂為吊服修敬尊秩亦服之也單衣古之深衣也今單衣裁製與深衣同唯綃帶為異深衣綃帽以居喪單衣素帽



以施吉

晉武帝太始三年詔太宰安平王孚服侍中之服賜大司馬義陽三望衮冕之服四年又詔趙樂安燕王服散騎常侍之服十年賜彭城王衮冕之服

僞楚栢玄將篡亦加安帝母弟太宰琅邪王衮冕服宋興以來王公貴臣加侍中散騎常侍乃得服貂璫也宋孝武孝建元年丞相南郡王義宣一年雖州刺史武昌王渾又有異

圖世祖嫌伏王彊盛欲加減削其年十月己未大司馬江夏王義恭驃騎大將軍竟陵王誕表改革諸王車服制度凡九條表在義恭傳上因諷有司更增廣條目奏曰車服以庸虞書茂典名器慎假春秋明誠是以尚方所制禁嚴漢律諸侯竊服雖親必辜自頃以來下僭彌盛器服裝飾樂舞音容通玩王公達于衆庶上下無辨人志靡一今表之所陳寔允禮度九條之格猶有未盡謹共附益凡二十四條



聽事不得南向坐施帳并惜蕃國官正冬不得  
得跣登國殿及夾侍國師傳令及油戟公主  
王妃傳令不得朱服輿不得重杠鄣扇不得  
雉尾劔不得鹿盧形槩眊不得孔雀白鷺夾  
轂隊不得絳襖平乘誕馬不得過二匹胡伎  
不得綵衣舞伎正冬著挂衣不得莊面蔽花  
正冬會不得鐔舞六佾舞長躡伎越舒丸  
劔博山伎緣大檀伎五案伎自正冬會奏舞  
曲不得舞諸妃主不得著衮心巾信幡非臺  
省官悉用絳郡縣內史相及封內官長於其  
封君既非在三罷官則不復進敬不合稱臣  
正宜上下官敬而已諸鎮常行車前後不得  
過六隊白直夾轂不在其限刀不得過銅爲  
裝諸王女封縣主諸王子孫襲封王王之妃及  
封侯者夫人行並不得鹵簿諸王子繼體爲王  
者婚姻吉凶悉依諸國公侯之禮不得同皇弟  
皇子車輿不得油幢輶車不在其限平乘舫  
皆平兩頭作露平形不得擬像龍舟悉不得



朱油帳鑊不得作正花及駁身筍形若先有器鞞者悉翰送臺臧七百到後二十日期若有竊玩犯禁者及統司無舉糾並臨時議罪詔可  
車前五百者卿行旅從五百人爲一旅漢氏一統故去其人留其名也

宋孝武孝建二年十一月乙巳有司奏侍中祭酒何偃議自今臨軒乘輿法服燾華蓋登殿宜依廟齊以夾御侍中常侍夾扶上殿及應爲王公興又夾扶畢還本位求詳議曹郎中徐

宋志八

四一

爰參議宜如省所稱以爲永准詔可

孝建三年五月壬戌有司奏案漢胡廣蔡邕並云古者諸侯貳車九乘秦滅六國兼其車服故王者大駕屬車八十一乘尚書御史乘之最後一車懸豹尾法駕則三十六乘儉晉江左逮至于今乘輿出行副車相承五乘尚書令建平王宏參議八十一乘義兼九國二十六乘無所准並不出經典自巴廣傳說又是從官所乘非帝者副車正數江左五乘儉不中禮案



周官云上公九命貳車九乘侯伯七命車七乘子男五命車五乘然則帝王十二乘詔可

大明元年九月丁未朔有司奏未有皇太后出行副車定數下禮官議正博士王燮之議周禮后六服五路之數悉與王同則副車之制不應獨異又記云古者后立六宮三夫人九嬪二十七世婦八十一御妻以聽天下之內治天子立六宮三公九卿二十七大夫八十一元士以聽天下之外治鄭注云后象王立六宮而居之亦正寢一燕寢五推所立母與王同禮無降亦明矣皇太后既禮均至極彌不應殊謂並應同十二乘通關爲允詔可

大明四年正月戊辰尚書左丞荀萬秋奏藉田儀注皇帝冠通天冠朱紘青介幘衣青紗袞侍中陪乘奉車郎乘轡案漢輿服志曰通天冠乘輿常服也若斯豈可以常服降千畝邪禮記曰昔者天子爲疇藉千畝冕而朱紘躬秉耒耜鄭玄注周官司服曰六服同冕尊故也時服雖



變冕制不改又潘岳藉田賦云常伯陪乘太僕乘轡推此輿駕藉田宜冠冕璪十二塗朱紘黑介幘衣青紗袞常伯陪乘太僕乘轡宜改儀注一遵二禮以爲定儀詔可

大明四年正月己卯有司奏南郊親奉儀注皇帝初著平天冠火龍黼黻之服還變通天冠絳紗袞廟祠親奉舊儀皇帝初服與郊不異而還變著黑介幘單衣即事乖體謂宜同郊還亦變著通天冠絳紗袞又舊儀乘金根車今五路旣備依禮玉路以祀亦宜改金根車爲玉路詔可

大明六年八月壬戌有司奏漢注儀大駕鹵簿公卿奉引大將軍參乘太僕卿御法駕待中參乘奉車郎御晉氏江左大駕未立故郊祀用法駕宗廟以小駕至於儀服二駕不異拜陵御服單衣幘百官陪從朱衣而已亦謂之小駕名實乖舛考尋前記大駕上陵北郊周禮宗廟於昊天有降宜以大駕郊祀法駕祠廟小駕上陵如



爲從序今改祠廟爲法駕鹵簿其軍幢多少  
臨時配衣至等乘玉路以金路象路革路木  
路小輦輪御輅衣書等車爲副其餘竝如常  
儀詔可

大明七年二月甲寅輿駕巡南豫兗二州冕服  
御玉路辭二廟改服通天冠御木路建大麾備  
春蒐之典

明帝泰始四年五月甲戌尚書令建安王休  
仁參議天子之子與士齒讓達於辟雖無生

三九七

卷之八

十一

而貴者也旣命而尊禮同上公周制五等車服  
相涉公降王者一等而已王以金路賜同姓諸  
侯象及革木以賜異姓侯伯在朝卿士亦準斯  
禮按如此制則東宮應乘金路自晉武過江禮  
儀䟽舛王公以下車服卑雜唯有東宮禮秩崇  
異上次辰極下絕侯王而皇太子乘石山安車  
義不見經事無所出禮所謂金玉路者正以金  
玉飾輅諸六耳左右前後同以漆畫秦改周輅  
制爲金根通以金其周匝四面漢魏二晉因



循莫改逮于大明始備五輅金玉二制並類金根  
造次瞻覩殆無差別若錫之東儲於禮嫌重非  
所以崇峻陛級表示等威且春秋之義降下以  
兩臣子之義宜從謙約謂東宮車服宜降天子  
二等駟駕四馬乘象輅降龍碧旂九葉進不  
斥尊退不逼下必古酌時於禮為衷詔可

泰始四年八月甲寅詔曰車服之飾象數是遵  
故盛皇留範列聖垂制朕近改定五路酌古代今  
修成六服必時變禮所施之事各有條叙便可

付外載之典章朕以大冕純玉纁玄衣黃裳乘  
玉輅郊祀天宗祀明堂又以法冕五綵纁玄衣絳  
裳乘金路祀太廟元正大會諸侯又以飾冠冕  
四綵纁紫衣紅裳乘象輅小會宴饗食餞送  
諸侯臨軒會王公又以肅冕三綵纁朱衣裳乘  
革路征伐不賓講武校獵又以宏冕二綵繒青  
衣裳乘木輅耕稼饗國子又以通天冠朱紗  
袞為聽政之服

泰始六年正月戊辰有司奏被敕皇太子正朝



駕合著衮冕九章衣不儀曹郎兵仲起議案  
周禮公自衮冕以下鄭注衮冕以至卿大夫之  
玄冕比日其朝聘天子之服也伏尋古之上公尚得  
服衮以朝皇太子以諸副之尊率士瞻仰愚謂  
宜式遵盛典服衮冕九旒以朝賀兼左丞陸澄  
議服冕以朝實著經典秦除六冕之制至漢明  
帝始與諸儒還備古章自魏晉以來宗廟行  
禮之外不欲令臣下服衮冕故位公者每加侍  
官今皇太子承乾作副禮絕羣后宜遵聖王  
之盛典革近代之陋制臣等參議依禮皇太子  
元正朝賀應服衮冕九章衣以仲起議為允  
撰載儀注詔可

後廢帝即位尊所生陳貴妃為皇太妃輿服  
一如晉孝武太妃故事唯省五牛旗及赤旂

宋書志卷第八

宋書十八









